

甘肅藥誌

629

398

各書坊均許翻印

# 甘 亂 雜 誌

東京同文社印行

## 雜誌序

宣統三年秋。予寓居蘭州。適值革命事起。內憂外患。頻出迭見。迄民國以來。無寧歲。客籓無事。見聞所及。輒筆之於書。元年春。省議會成立。蒙鄉同志公舉爲代表。且與李君鑒亭相善。西軍幕中。亦多舊識。故於亂事真相。粗有所得。日久集成一卷。付諸剞劂。以質海內。如有傳聞失實。尙希高明糾正。務歸翔核。非敢自附於春秋之義也。懼一代掌故。年久失傳。聊備修史志者之資料而已。民國五年孟夏陽秋序。

---

甘肅雜誌序

629.16

398

# 甘肅雜誌目錄

秦隴之戰

寧夏之變

經濟困難

西甯之變

秦州獨立

礮隊謀誅馬安良不克遁去

忠武軍之變

議改土歸流

李鏡清被刺

甘肅雜誌目錄



139594

李議長死後議會之情形

馬氏之強盛

陸軍學生被捕

昭武軍赴甯夏

賴恩培被拘

外縣西軍之騷擾

議提叛產充餉

西軍回河州

白狼之亂

# 甘亂雜誌

秦隴之戰

清宣統三年八月武昌起義。各省響應。九月初一



益謙等舉兵據陝西甘肅大震。總督長庚召文武議戰守。勸業

道署提法使彭英甲

奉天鐵嶺人

有精明強幹之目。密建議曰。馬安

良陰險驕橫。居鄉多行不法。久盤踞甘肅。官民受害而無如之

何。莫如使之攻西安。以毒攻毒。勝則陝西可復。敗則亦可為甘

肅除一大患。豈非一舉兩得。長庚然之。檄馬安良添募馬步十

營赴敵。彭英甲自請為行營營務處總辦。馬安良行文出示。向

河州狄道皋蘭循化巴燕戎格碾伯平番等處募兵。漢民及良

回均不敢往。應募者皆無業秀回。大盜巨匪居其大半。一人從軍。有數人隨之。預備搶掠代攜贓物。久之始成軍。號曰精銳西軍。馬安良爲該軍總統。馬麒爲幫統。馬占奎安良之叔馬麟等爲分統。第三標總統周務學。亦自請赴前敵。統領某密言於長庚曰。周務學陰險多詐。外託樸誠。包藏巨測。不可遣也。大帥如不信。請觀其貌。長庚察其面目。兇氣勃勃。獷悍異常。知非善類。不敢遣。改其軍爲忠武軍。諷之去詐效忠也。又改陸洪濤所帶第一標爲振武軍。時前總督升允。由西安逃亂至平涼府。奉命督辦陝西軍務。顧手中無兵。屢檄催長庚。速派兵東征。長庚分檄陸洪濤。固原提督張行志。馬隊統領崔正午等。分路進攻。時庫空。



如洗。餉無所出。馬安良要挾百端。遷延不肯出發。十月。忽又有甯夏土匪之變。於是西軍分而爲二。一北攻甯夏。約克復後。再赴陝會師。馬安良陸洪濤等徑赴平涼。隨升允攻西安。馬安良瀕行。欲先立威以自雄。乃捕平日之不睦回弁三名。誣以謀變。斬於東門外祭旗。然後出發。藉口無餉。沿途需索供應。地方官紳多被歐辱。所過爲墟。十一月。崔正午等由秦州東攻鳳翔。升允帶馬安良陸洪濤陳正魁等。由涇州進攻長武邠州。回軍大肆騷掠。升允欲悉誅之。馬國仁等託人求解。于是割耳示衆。旋分兵爲二。升允自率陸洪濤等進取永壽醴泉。連戰皆克。直擣咸陽。馬安良自帶西軍西攻乾州。時乾州秦軍守將爲張雲山。

陝南人舊為哥老會首在軍中吹號西安兵變衆推爲將。驍果善戰。抵禦甚力。惟兵不滿千。西軍以萬人攻之。衆寡不敵。省城援兵屢催不至。議退保西安。城中紳民環跪泣留曰。自同治間回匪倡亂。被官兵剿滅。仇視漢人之心。至今未泯。况馬安良盜賊遺種。安良爲甘肅逆回馬占鰲之子陰險殘毒。甚於梟狼。若大軍一撤。回匪進城。全城無遺噍矣。乞留軍保全孤城。以救億萬家生命。言訖。哭聲殷天。張雲山曰。餉絀兵單。不得不退。若全城輸餉。協力助守。便可不退。紳民慨允。於是兵民併力死守。西軍於東西北三面環攻不下。屢樹雲梯。蟻附。殄升。城軍覆其梯。跌死甚衆。乃遣營官羅開福。率衆跪於城外。詐降。城內察知其僞。不肯開城。俄而羅軍炮發。城上彈下如

兩羅軍驚遁。馬安良雖跋扈而兵不經練。皆竄怯不任戰。忿城久不下。日向各村搜殺良民。洩忿積屍滿溝壑。聲稱拿奸細。蓋回軍戰線內。遇漢人卽以爲奸細也。居民死逃殆盡。數十里內無人烟。十二月。南北和議成。清廷禪位。改爲中華民國。袁世凱爲臨時大總統。傳檄各省罷兵。張鳳翽遣員賚書至甘軍。宣意息戰。升允得書不啓封。立斬其使。時中央檄到蘭州。總督長庚知事不可爲。棄官去。藩司趙維熙護總督。會紳行文前敵。停戰。升允嫉革軍次骨。光緒末年升允會密劾袁世凱爲革命黨請除之以絕後患章被留中宣統元年又戰。升允嫉革軍次骨。光緒末年升允會密劾袁世凱爲革命黨請除之以絕後患章被留中宣統元年又者刁紳劣監之權耳之語書上不納卒以是落職。檄至。匿不

宣布督諸軍進攻益急。而改革之耗。諸軍已微聞之。馬安良詣

升允請班師。升允不可。安良曰：國體已改革，南北媾和，諸軍無不知者。是諸軍已不肯戰，非安良之不戰也。升允不得已，下令班師。是役也，升允自帶陸洪濤等各軍，約束極嚴，連復數城，無甚騷擾。不過到處民間供給而已。而精銳西軍，人人飽掠而歸，輜重纍纍，沿途責令地方官紳廣拉車馬馱運，數百里絡繹不絕。牛羊柴草財物，搜搶殆盡。所過爲墟，地方官不敢稟也。次年正月。即民國元年馬安良至蘭州。都督趙維熙時總督已改稱都督率屬出城恭送。是時安良已經趙保升提督，勢焰熏灼，道路以目。趙維熙以亂事解決，庫空無餉，勸令遣散新招軍隊，以紓財力。馬安良藉口欠餉未清，抗不繳械，分募新軍，攜械竟回河州。都督不

敢問。從此甘肅大權。盡歸馬氏一人之手矣。

按馬安良。河州回族人。阿洪馬占鰲之子也。同治間。甘肅回匪倡亂。馬占鰲以梟黠爲之魁。時安良年方十餘歲。隨父出戰。手刃漢民。馬占鰲喜曰。此兒真吾子也。設吾如文王生百子。各領一軍。則漢人無遺類矣。轉戰各縣。蹂躪幾徧全省。每攻陷城堡。焚殺淨盡。老稚不留。擄獲婦人多口。每二人爲一對。使髮與髮結。雙雙掛於牆壁。聽其呼號以爲戲。至聲嘶氣盡而止。又以多人拽二樹幹。使合而爲一。以一人四肢分縛於上。二幹還原。人已分裂。又一日。遣人負一囊。與某總兵送禮。啓視之。則皆幼童莖物也。鄉民聞回兵至。無不喪胆。其老

幼婦女不能逃者。率皆挖窖聚匿其中。上覆柴土。馬氏父子察知其下有人。發其覆。運柴草投其中。縱火焚之。聚觀爲樂。其殘暴多類此。至今父老言其事甚悉。馬占鰲攻平番縣之河橋驛。被守將牛某拋石擊瞎一目。時人稱快。比之季自成云。旋以官兵衆力不能支。遣安良赴安定。左宗棠行營哀詞乞降。左宗棠受之。其黨分別授官。有差。光緒初年。占鰲死。安良繼爲軍官。隸固原提督董福祥部下。軍官何虎臣等惡其陰險。屢言於董請除之。董亦察知其奸狡。欲誅之。未果。二十一年。中東戰事起。安良隨董福祥赴京。駐紮近畿一帶。二十一年。河州回匪倡亂。內有馬武。馬占奎。馬國良。毓良。馬占鰲之妻與其伴

搗馬格拉姦生子嘗與安良  
 爭一僕婦刃傷安良臂膊  
 其事密抱爲己子請塾師張某命名張某名之  
 曰全良蓋謂爲衆人夥姦所生得種之全也

馬全良占鰲之女未嫁時所生  
 占鰲之子及其餘黨也清廷聞變急檄董福祥率甘軍回隴  
 剿辦尅期克復拿辦賊首占奎國良毓良全良馬麒等均  
 以馬安良營救得免阿洪孟夫提等多人皆回之良也安良因  
 爭教之仇誣以同反駢誅於市臨刑大罵安良不止時人冤  
 之武進士馬福祿者安良之姻戚也性剛直與安良不睦至  
 是安良密白董福祥誣以預亂欲並誅之馬福祿力辯安良  
 挾嫌誣陷之故董察知其枉釋之並委充統領使擊賊自効  
 事平之後馬安良雖補副將總兵各缺而均不赴任仍以統

領駐紮河州。盤踞鄉土。把持官府。包攬詞訟。賄賂公行。甚至錢糧稅務。亦多爲所包收漁利。見人良田美產。必設法吞歸。已有而後已。其叔占奎。其弟國良。毓良。全良等。倚勢橫行。尤爲不法。民間畏之如虎。安良役使地方官如奴隸。河州知州如趙鏞等。均承事之唯謹。惟楊增新。朱遠。繕守正不阿。時論多之。高光斗者。甘肅之能吏也。尤嫉惡如仇。遇馬安良之族戚子弟。倚勢爲暴。必嚴刑懲之。並在堂皇痛罵安良。嘗曰。爾等倚恃馬安良。是個紅頂子乎。卽綠頂子。我亦不怕。聞者傳以爲笑。安良銜之次骨。密譖於總督。升允。請撤任。升允素知安良跋扈。不爲動。安良暗曠其黨。聚聚數千人。蜂擁入城。砸



毀衙署。被光斗當場擒獲數十人。極刑拷訊收禁。餘黨逃散。安良又嗾多人赴省上控。光斗卒以是落職。輿論惜之。由是河州政柄統歸馬氏一家之手。浸而把持全省。吾甘之禍。非一日之故。其所由來者漸矣。履霜堅冰。可不懼哉。

### 甯夏之變

宣統三年十月。甯夏哥老會。假託革命黨爲變。知縣陳元驤。下鄉彈壓解散。被戕。城遂陷。甯夏道孫庭壽。知府慶隆。甯朔縣知縣高彝。及全城武官。均逃而免。賊聲言盡滅滿人。滿城岌岌可危。將軍都統告急。總督長庚。飭馬安良分兵援之。馬麒麟占奎。馬全良等。帶馬步數營前往。未至甯夏。賊先遁。紳民多人。聞西

軍至。爭出城數里以禮迎之。馬麒等遽開鎗迎擊。紳民盡死。直殺入城。屍橫滿街。大肆淫掠。全城一空。賊北竄。陷平羅。知縣李九波。匿民家得免。西軍追至平羅。殺掠一如甯夏。所獲資財。紛紛運歸河州。路經省城。被皋蘭縣知縣賴恩培查獲數起。訊明正法。原贓送回甯夏。招主認領。內有貴重物數包。係馬占奎馬全良等獻之。馬安良者。封誌顯然。馬氏兄弟叔姪之恨。賴恩培實始於此。十一月。全軍轉赴陝西。與馬安良會師攻乾州。初會匪據城時。詭稱奉孫庭壽爲帥。旗幟大書孫字。長庚聞之大怒。分電各處嚴拿。孫庭壽由固原逃歸西安得免。十二月。省派傅秉鑑來權甯夏道。以前皋蘭縣陳必淮權甯夏府。初傅秉鑑會

爲藩幕。兼代理蘭州府。貪酷刻深。跋扈攬權。有二藩臺之名。數興大獄。誣陷羅織甚衆。至是紳民紛紛控訴。西軍殺掠狀。以爲傳不畏強禦。必爲伸理。乃傅秉鑑。惟怯不敢究。會民國成立。聞謠傳甯夏。又將有變。棄官逃去。

### 經濟困難

甘肅爲著名瘠省。丁糧釐稅。統計每年收入銀。不過百餘萬兩。向賴各省協餉百餘萬以濟之。兵事起。協餉不至。釐稅亦因之停頓。庫儲告竭。餉無所出。停辦新政。提運附近各縣倉糧濟餉。十月。諸軍征陝。總督長庚以省城空虛。恐漢兵不足恃。檄調莊浪滿營旗兵五百名。登陴防城。紳士劉爾忻張林焱等亦籌辦。

團防助守。以積穀充餉。長庚仍以爲不敷分布。議續招新兵。署藩司劉毅孫。見長庚言曰。現在庫空如洗。大帥只顧招兵。餉於何出。長庚曰。時勢至此。無論有餉無餉。我的兵不能不招。毅孫又曰。革命軍以排滿爲名。西安滿城已無遺曠。謠言四起。聲稱不日來甘。內地革黨亦所在多有。待時而動。今大帥以旗兵布列城上。是召禍也。一旦革命軍至。全城豈不受累。長庚怒曰。若如此。你便是亂黨。爭論久之。劉毅孫立請辭職。以提學使俞明震署藩司。巡警道趙維熙署提學使。候補道潘齡皋署巡警道。俞明震百計籌畫。弛烟禁。抽厘稅。款仍不濟。而前敵及各防營需餉急如星火。均無以應。十一月。俞亦窮蹙辭去。以趙維熙署

藩司。潘齡皋署提學使。十二月。得京電。南北媾和。清廷讓位。袁世凱爲臨時大總統。勸甘省承認共和。長庚知事不可爲。棄官去。印信暫交藩司。官紳議復電。劉爾忻因係清朝甲科。不肯出名。趙維熙張林焱電復甘京官。承認共和。請示總督事宜。委誰接辦。奉令以趙維熙護理總督。旋改爲都督。仍以趙署理。潘齡皋權藩司。齡皋查庫。環堵蕭然。憂懼不知所爲。議捐募。於是趙維熙捐廉三千兩。潘齡皋捐廉二千兩。以下各有所捐。仍不敷尙鉅。民國元年陰正月。道員黃鉞獨立於秦州。丁糧悉爲所扣。省中益窘。二月。馬安良等各軍回省。威挾勢迫。索餉者紛至。潘齡皋亦辭職。趙維熙挽留不許。齡皋親帶印信上院。強交而去。

時彭英甲由前敵回。趙維熙電請任命爲藩司。彭在前敵與馬安良不相能。至是馬思所以脅之。索餉益急。彭無以應。馬勒令撥各縣倉糧。抑價數倍抵餉。昂價出售。蘭州各街所賣者均係西軍之糧。獲利累鉅萬。六月彭因電攻趙維熙任用私人。馬助趙電攻彭。中央以督藩不睦。彭調京另候任用。以提法使何奏。飭署藩司。是時勢窮款絀。更甚於前。何奏飭迫於馬安良之威。百計搜括。勒令各州縣捐助。名曰提盈餘。大缺一二萬兩。中缺或數千。或數百不等。每年約共搜數十萬兩。派員四出勒提。不交者立予撤任。又定議出賣官缺。全省府廳州縣缺。均有定價。名曰報効。如秦州河州。署一年價銀一萬五千兩。張掖武威。一

萬二千兩。蘭州甯夏西甯等府均五千兩。此外以次遞降。至五百兩爲止。榜示藩署。或謂此外另有私報効。須與其親信人密商。不論資格班次外藉本藉。但能如數先繳價款。立即懸牌赴任。有因贓革職。及虧款監追者數人。均以出資得任。大缺。紈袴子以資得缺者。不可勝數。鞏昌府知府榮銓。先已調署蘭州府。到省預備接印。適何新爲藩司。不令到任。勒令捐銀三千兩。榮不肯繳。知縣黃家模。願報効六千兩。遂黜榮而任黃。候補縣邵韶棠。以銀六千兩買西甯縣。及抵任。而本年錢糧。已爲前任張金鑲所收盡。邵封其倉。欲據爲己有。張不讓。攜帶手鎗。率徒衆尋往叫罵。幾釀大變。各縣類此者甚多。難備述也。各署局應領

之薪俸等欸。亦扣不發。而餉仍不給。各軍每日擁入藩署譁索。百班設罵。聲稱拉出他來。何奉籛避匿不敢出。諸軍能否得餉。以有無勢力爲斷。西軍勢力最強。故餉爲一網打盡。他軍雖向隅。亦無如之何也。甘人亦深惡何賣缺。民國二年春。田駿豐率衆排之去。而代其位。奉令改爲財政司。未幾。田駿豐亦以贓私被護。督張炳華彈劾。袁總統令新都督張廣建查實。革職遞問。進京。馬安良馳電代爲辯護。總統以其武人屢干預行政。嚴電斥之。儆戒以後。不准越職言事。

西甯之變

宣統三年冬。西甯之西鄉。番匪謀亂。城廂徧置耳目。總兵張定



邦。率兵搜斬數十名而亂定。文武官獲獎有差。

### 秦州獨立

陝西變作。總督長庚派道員黃鉞黃興之族弟爲統領。帶兵五百名。出鎮甘南。防堵陝軍。民國元年陰正月。黃鉞行至秦州。一日閱操城外。忽擁兵入城。直攻參將署。參將晏姓。係滿州旗人。急上屋逃避。黃軍自下鎗擊斃之。遂據秦州獨立。自稱都督。知州張庭武被虜。署中財物。搶劫一空。旋釋回。送還所擄。啟籍視之。均空空無物。鞏秦階道向黎。因同屬湘人。得免。黃興召紳士張世英等。議籌餉增兵自治諸策。添募新兵萬餘。傳檄省城官紳。有不日長驅蘭垣。與諸君痛飲之語。是時四川之同志會兵。由陝

南來響應黃軍。以滅回爲主旨。至徽縣。焚禮拜寺。殺回民甚衆。趙維熙電告中央。議征討。宣布黃鉞罪狀。時人皆主戰。獨省議長李鏡清。以爲亂事初定。民氣未蘇。力主和。會大總統有令。曉以利害。勒令取消獨立。黃興不聽。省城作戰益急。六月。黃自慮兵力單弱。秦州一隅。不足以有爲。乃要挾巨款。趙維熙不允。黃不得已。解散諸軍。搜羅銀數萬兩遁去。時川軍已先南歸。趙維熙招集殘回。籌款撫恤。是役也。秦州無大騷擾。不過勒捐充餉而已。晏參將之家屬。亦未加害。故秦人於黃之去。無怨者焉。

礮隊謀誅馬安良不克遁去

馬安良自陝西回。自以爲不世之功。盤踞省城。威權日盛。生殺

自由。文武官紳。畏之如虎。回軍姦淫殺掠。官不敢問。尅扣各漢軍之餉。盡以肥己。見漢兵如眼中釘。西軍與陸洪濤之振武軍及礮隊。屢次私鬥。殺傷相當。元年春。礮隊諸官弁。與振武軍密謀起兵。誅馬安良等。以興漢二字爲標識。約期舉事。鳴鎗爲號。時陸洪濤懼事不濟。未敢輕發。苦勸諸軍不得妄動。屆期五鼓。礮隊整隊出營。鳴鎗號召。見振武軍各營。寂然不應。知事中變。遂潰散。馬安良勒令趙維熙通飭緝拿。文告稱今滿人已滅。民國成立。漢已興矣。乃搜獲該亂兵暗號。猶以興漢爲名。殊屬毫無意識等語。不知興漢者。對滅回而言。非排滿也。安良亦自知稔惡已久。不爲世所容。常恐人謀已。寢不安席。一夜數遷其處。

蓋不獨漢人欲得而甘心。卽回族中。不共戴天者。亦所在皆是。是年夏。有義回二人。挾刃踰垣入。誤奔他室。闔宅驚喊。人忽不見。

忠武軍之變

統領周務學。秦州人。初生時。其父驚曰。此兒熊虎之狀。豺狼之聲。必滅吾族。欲殺之。其母救護而止。及長。兇狡陰賊。權詐自喜。嘗與友人葛正位有隙。伺其出城。糾黨伏路。突出手刃之。投屍於玉泉觀側澗溝內。又嘗姦佔張國安之寡媳于氏。張國安氣忿而死。家人訟於官。知州張珩欲按治其罪。周務學聲稱。張珩居官不法。羅列贓私十二款。擬赴省告訐以脅之。張珩不敢究。

事遂寢。光緒間。監修陶勤肅公祠。侵吞工款銀一千餘兩。同事者知之而不敢問。宣統元年。陸軍第三標統領金造。保薦爲所部第三營管帶。思奪金造之位。僞託忠誠。矯情飾行。捐銀二百兩。向織呢局買呢製軍衣。託人游揚。以干護理總督毛慶蕃。毛大爲所欺。激賞之。嘗謂吾甘人曰。爾甘肅無人材。惟一周本齋耳。人皆爲之不平。正紳王樹中曰。毛護院不明而好察。爲奸人所欺。方自以爲得人。真大惑也。時人以爲知言。周旣受知於毛慶蕃。日夜媒孽金造之短。毛入其言。遽撤金而以周代其位。交替之日。志意揚揚。語侵金造。金痛哭失聲。昏絕於地。從此胸膈結成痞症而死。全營不服。紛紛辭職。管帶朱應龍及孫姓。恥爲

之下。亦相率憤然而去。周盡易其私人。多屬甘南盜匪。第一標統領張定邦。陸洪濤等。皆差與爲伍。長庚到甘。深知其不法。防之如寇盜。周不得逞。民國元年春。忠武軍謀變。益。聚黨密議起兵。先搶省城。然後東出。橫行天下。事爲都督趙維熙所聞。派學司潘齡皋。前往空心墩營中諭禁。力言公私彫敝。人心浮動。卽有富商殷戶。亦皆運資他往。搶無可搶。周務學知事已敗露。乃僞託不預其謀。越數日。夤夜扣關。求見都督。急白部下謀變狀。衆先收其軍械。以杜亂萌。欲藉以覘趙維熙之意。旨趙偵其亂。兵有事他往。急派巡警道賴恩培帶衛隊備車多輛。往收軍械。周務學陰嗾其黨。全隊攻賴恩培。殺聲震天。車夫衛隊死傷

不計其數。賴躍馬而回。僅以身免。省城戒嚴。周欲乘勢殺進城內。大肆擄掠。旋以有陸洪濤在。恐不能抵而止。未幾。又有領害李鏡清。賴恩培之事。初。昭武軍統領馬福祥。雖爲武人。而讀書明理。有知人之鑑。見周務學名譽日盛。常語人曰。世之不近人情者。鮮不爲大姦慝。吾觀此人貌陋心險。惡衣惡食。粗鄙無學。而巧於釣名。工於進取。此第二盧杞也。此人得志。正人君子無遺類矣。至是果驗。

### 議改土歸流

馬安良因侵佔韓土司化馬循田產不睦。民國元年。夏。建議改土歸流。甘肅各土司聞之。洵懼。密修兵備。預備抵禦。官紳皆言其

不可。趙維熙亦恐激變。不果行。亂遂止。

李鏡清被刺

臨時省議會議長李鏡清。號鑑亭。狄道州人。其父某。同治間辦團防。抵禦回匪馬占鰲等有功。鏡清生有胆略。嫉惡如仇。秉承先志。憤甘肅回族強橫。常以救漢滅匪爲主旨。以光緒丁酉科拔貢。官四川知縣。有能。更名落保道員。隨總督錫良。帶兵應奉天雲南等省。宣統三年。雲南革命事起。聞關回甘。民國元年二月。組織臨時省議會。被選爲正議長。大孚衆望。屢有建白。聞西軍在甯夏殺掠之慘。歎息痛恨。力請當道澈底查辦。將馬麒麟馬占奎馬國良馬全良等。一律按軍法嚴拿正法。當道者深聽其



言而不敢究。鏡清一見周務學。驚歎曰。此人貌似樸誠。而中情險詐。心重手辣。貪權好利。安祿山之一流也。吾輩與之共事。當特別注意。黃鉞獨立於秦州。當事者皆主剿。惟鏡清以爲同種不可相殘。若一用兵。則秦民先受其蹂躪。力主和平解決。作書通款洽。未並列馬福祥周務學之名。周以爲不應列己名。尋往滋鬧。二人隙益深。然秦州由是得全。鏡清之力也。鏡清以馬安良等到處殺掠。荼毒生靈。常義形於色。誓不兩立。一日與有福祥周務學等言及甯夏及隴東擾害之事。亟應澈究。奮然曰。我與此賊誓不兩立。馬安良卽反了殺我。亦不足恤。將來必有人滅他的種。馬周密以其語達安良。安良大恨曰。會當殺此虜。未

幾由陝回蘭。見鏡清。言語齟齬。自是遂不復見。會各團志士開會。議通電中央。保鏡清爲都督。馬黨聞之大懼。周務學亦密勸殺之。絕後患。謀定。安良回河州。留馬麒等駐省城。馬麒等廣貼布告。定期在該營開特別大會。請李鏡清赴會。聲勢洶洶。全城惶惑。藩司彭英甲。因共同排斥。巡警道賴恩培。進用太驟。與鏡清相善。竊詣營爲之排解。馬麒拒不見。英甲闖入。以大義勸阻之。馬麒不聽。英甲大阻而回。知旦夕禍不測。亟思所以救之。乃請馬隊統領崔正午。密謀保護之策。崔雖爲回族。而人卸忠厚。不與安良同黨。許聘鏡清爲文案。請移入營內。藉以防衛。未幾。派馬隊二十名。護送回籍。以避之。諸同志相送。泣別而去。安良

與馬麒麟務學等往復函商。僉以爲李某雖去。而雄心不死。且黨羽衆多。此人不除。吾輩必有不測之禍。由省密派馬全良馬同。帶悍回八名。赴狄道暗殺。安良恐事不濟。又使國良由河州帶隊百名。託言巡防爲後勁。囑曰。倘暗殺不成。卽列隊圍攻。焚其廬。必盡殲其屬而後已。全良與同等率八人。乘夜深人靜。至鏡清家。鑿垣而入。不知何屋是鏡清所居。高聲問李大人在。鏡清有妾。是夜歸寧。鏡清獨宿。聞聲知有變。急起挾刃。大呼李某在此。馬安良欲殺我速來。諸賊破門而入。昏夜不辨。殺成一團。鏡清手刃一賊。又傷賊一指。竟死於亂刃之下。被割一手而去。時有婢女二人。急出呼救。賊聞鎗轟擊。一應聲立斃。一受傷未

殊。是夜有鏡清之友人周子高。以回秦州之便。宿於其家。聞變。驚悸不敢作聲。盡得其狀。諸賊攜李手並昇其黨屍。倉皇遁歸。分報安良與麒麟務學等。獻功。安良喜曰。彼省議會自稱神聖。不可侵犯。吾今殺其議長如宰一鷄。看他神聖有何神通。此民國元年陰曆六月事也。事聞。省城大震。諸議員集會。相對啼噓。無言而散。趙維熙等。雖知是馬周所爲。而不敢問。惟歸咎於知州張紹斐。保護不力。撤任。電達中央通緝而已。諸賊在李家倉猝。聞不暇搜掠財物。惟攫得陳設古銅瓶壹對。不數俵分。以成此大功。必獲重賞。而安良性極吝。僅犒賞瘦羊一隻。分食之。八賊。快快。歎望。各退語所親。發不平之鳴。全良與同亦。自誇其功。直

言不諱。於是遠近皆知。人言曠曠。安良懼。致書與趙維熙力辯。以爲當日與李口角。係屬福祥。此事自是福祥所爲。已不知情。又聞省中諸同志開追悼大會。送匾額一方。題曰英靈萬載。以飾耳目。李旣死。彭英甲不自安。未幾。亦被安良等排之去。初。秦州人以黃鉞獨立時。李不主戰。卒免蹂躪。深德之。至是。爲建專祠祀之。有義士某建議。應仿岳武穆王廟鑄鉄人故事。將馬安良國良全良馬同馬麒馬占奎周務學等七人鑄鉄像。跪於殿前。以慰英魂。而昭炯戒。穩健派力言其不可。應俟諸兇伏誅後行之。議遂暫寢。

異史氏曰。予與李君舊相知。素稔其剛正不撓。慷慨輕財。官

四川時常寄金濟故舊之貧乏者。予家寒亦曾蒙資助。今適寓省城。又朝夕相見。其在議會所籌畫皆關通省大計。而不及其私。回籍之前一日。予送別。謂予曰。此次爲馬周所陷。我雖死亦必作厲鬼殺此二賊。二賊不死。留以害甘肅。我死不瞑目矣。言訖淚數行下。予亦感泣。是李君瀕死。尙不忘吾民也。嗚呼。今李君死矣。如李君者誰乎。

李議長死後議會之情形

李鏡清既死。馬周昌言誓推倒議會。議員人人自危。不敢到會。副議長張林焱等辭職。議會遂消極而散。中央有電不准解散。安良諷諸人士另舉楊慤爲議長。閻士林爲副議長。二人皆前

清翰林楊曾拜安良之門。有師生之誼。會中旋舉慕壽祺爲副議長。安良又以立法機關無回族。特送回教五人爲議員。趙維熙及諸議員。不敢不從也。時謂五人爲欽派議員。每議一事。必先請示於馬。得其允許。然後敢議。馬仍恐有不利於己。每開會。必派其黨監視。一日副議長慕壽祺演說。語略侵安良。其黨馬占奎。遽厲聲呵罵。欲拉下講臺。痛歐之。衆婉勸。始得免。時議員多阿安良意。議在省城爲之建提督行轅。惟張國杰以爲甘州踞西路要塞。當蒙古青海之衝。非威望夙著者。不足以控資制。不宜移駐省城。馬麒聞之。怒曰。吾不知張某何如人。乃敢立異。立欲拿辦。張託人和解。親詣營。匍伏謝罪。乃已。自是議員中雖

不乏明達之士。欲爲地方謀幸福。皆爲馬氏積威所劫。不敢有所建白。唯命是聽。我甘肅全省。遂爲馬氏一家專制之天下矣。

馬氏之強盛

馬安良威權日盛。四方餽遺。珍寶山積。所寓南壇地方。改稱帥府街。大書特書。榜諸通衢。出入儀仗兵衛。過都督數倍。其少子廷驤。人材庸劣。不通文義。宣統間。要求提學使陳曾佑強取拔貢。士林詬病。至民國元年。又要求署鞏昌府。旋升甘涼道。其叔占奎。其弟國良。毓良全良。皆氣質野陋。如廝役之下者。倚勢驕橫。殘虐不法。至是。占奎以分統兼署中軍副將。國良毓良全良。亦均充軍官。其幫統馬麒。兼署西甯鎮。分統馬麟。兼署涼州鎮。



親族私黨。徧置要津。官界之無恥者。亦多夤緣請託。其門如市。函囑面索。當道者無不立應也。其兵駐西門外農工商礦局。舊貢院也。房屋機器。盡被拆毀。撤木材供炊爨。分布城內外。到處爲暴。買物不給值。白晝殺掠。闖入良家。戲辱婦女。揚言同治間及光緒二十一年之役。我回人被漢兵剿滅。今幸我馬大帥當權。文武全備。特報前仇耳。噫。我甘之浩劫。至斯已極矣。

### 陸軍學生被捕

光復後。甘肅肄業鄂陝陸軍中學各生。陸續回籍。寓居省城圖事。馬安良深忌惡之。常曰。甘肅者我之甘肅。官紳議員。皆我家之奴隸也。藐然柔懦。我教他如何。他便須如何。皆不足爲害。所

慮者。陸軍學生耳。此輩得志。後患不堪設想。乃誣以謀變。派兵四出搜捕。在梨花館斗母宮等處。捕獲學生樊政等多名。並搜出護身手鎗炸彈等物。指爲兇器。欲盡殺之。趙維熙不允。交法庭。援照私藏危險物例。分別輕重。判處有期徒刑者六名。餘皆釋放。

昭武軍赴甯夏

昭武軍統領馬福祥。雖與馬安良同屬回教。而有邪正之分。自其兄福祿在日。卽與安良有隙。安良見福祥名位日隆。深滋嫉忌。周務學亦密勸圖之。民國元年夏。福祥奉檄爲西甯鎮總兵。兼護青海辦事長官。安良囑令趙維熙收回成命。不使之任。而

以其黨馬麒代爲總兵。福祥鬱鬱久居省城。日與安良務學共事。其兵卒又屢與西軍忠武軍私鬪。懼禍及。固求出外以避之。是年秋。改委甯夏鎮。遂帶所部昭武軍赴甯。旋有命兼護將軍。二年夏。福祥求入覲。安良恐其到京不利於己。急電止之。以爲現值俄蒙不靖。人心浮動。地方關重。不宜擅離職守。福祥不顧。徑去。安良頓足歎曰。趙維熙馬福祥二人晉京。吾之名譽休矣。然吾自問無瑕可指。讒謗任其讒謗耳。

### 賴恩培被拘

賴恩培。陝西城固人。光緒丁酉拔貢。趙維熙視學關中所得士也。二十八年。以通判到甘。歷權繁劇。有風厲名。然紳士之不悅。

者亦滋多。改革後趙維熙爲都督。委署皋蘭縣。兼帶都署衛隊。綏靖地方。頗著勤勞。不數月。擢蘭州知府。蓋趙以爲民國用人。原不拘資格也。而藩司彭英甲。自以位本在趙之上。今趙一蹴而爲都督。賴又不次超遷。駭駭乎與已齊驅並駕。忿懣不平。嘗因宴會。在大庭廣座。折辱趙督。賴出勸解。並辱罵及賴。旋聯合省議長李鏡清等電京。訐趙任用私人。時馬安良正仇視彭李。出頭致電中央。代趙賴爭辯。蓋意在排彭李。非有愛於趙賴也。彭李電遂無效。六月。彭調京另候任用。趙旋保賴升任巡警道。反對者益譁。然命令已下。衆無如之何矣。是時馬安良跋扈日甚。威福自由。趙督大受制。人比之漢獻帝。西軍布滿省城。倚勢

橫行。鄉民進城賣柴草煤炭食物者。皆被攔截入營。巡警略一干涉。輒被兇毆。殺傷甚衆。全城巡警懼禍罷岡。巡警道賴恩培。初猶隱忍。最後不得已。始向馬理論。求禁止。安良等以前次該軍由甯夏運贓回家。被賴查獲。正法。心銜之而未發。至是大怒。賭氣欲將其兵正法。賴又爲之緩頰而罷。是年冬。屢有賊匪。在振武軍營中謀放火行刺不成。被獲。偵悉係馬安良等所主使。又偵探報稱。西軍與忠武軍各約期謀變。謠言四起。人心惶懼。忠武軍統領周務學。安良少子。廷驥之盟誓兄弟也。與安良結爲父子。日奔走其門。然安良見務學事之雖謹。而反覆多詐。中藏巨測。心常疑之。賴道窺見此旨。欲效漢末王允之策。一舉除

之。於是趙督使皋蘭縣知事黃英。持名刺密謁安良。告以忠武振武諸軍某夜謀變。將不利於西軍。請備之。賴又密函周務學。陸洪濤云。探得西軍某夜起事。將不利於漢軍。周務學得書喜。曰。義父常疑我爲呂奉先李存孝。今以此物獻之。表明心迹。前疑當盡釋矣。馬安良故已疑漢軍與已不利。得書。夜於四更。密派馬隊數名。往空心墩及廣武門外各營。遙遙偵察。不見動靜。惟聞析聲甚急。不同往夜。似有所警者。回報。次日除夕。安良派馬麟往見周務學。刺探消息。周一見遽出書示之。具告以狀。二人疑陸洪濤亦得有此項密函。遂同往詰之。陸欲祕不得。亦以實對。三人往見安良。安良大怒。又次日爲二年陰歷元旦。同上

院見趙維熙。急令傳賴對質。問以何所據而云然。賴對以得諸謠傳。馬周謂其挑播軍隊。煽變構釁。派兵守其寓而幽之。徧檢查往來信函文件。有無異謀。凡珍貴財物。並攜之去。家人出入。先搜其身。恐運出財物。傳達機密也。周務學力勸殺之。賴窘甚。託巨紳張世英爲之緩頰。張因賴在秦州任內。催換典商部帖太急。心銜之。見安良反密勸除之。安良電稟袁總統。羅織罪狀。請就地處死。時我甘人士。亦多恨賴。歷任摧挫紳權。今又不次遷擢。經衆阻詰無效。又新進少年。方主張排外。而都督府顧問田駿豐爲之魁。遂集合二百餘人。號稱二萬餘人。聯電中央。請誅賴以謝馬周。趙維熙懼。亟電總統。力辯馬周軍謀變有據。賴

監司大員。不應在省訊辦。請解京澈究。奉總統令。賴先行革職。遞京交法庭訊辦。甘京官秦望瀾。亦電勸解京。懲處。馬周等知到京事必解。覆電力爭不淮。欲徑殺之。又念李鏡清案尙未結。人人指目。恐殺賴而李之案亦因之徵實。自顧兵力不足以敵中央。猶豫不敢發。適馬麒亦回省。方與安良爭權交惡。亦力主解賴晉京。三月。以兵護送出省。是時諸人士以趙袒庇賴某。要求又多不遂。盡力攻之。趙累電辭職。馬周田率衆留難不任去。云稱款目不清。須盤查清給。方得離甘。久之。始縱令去。以張炳華護理都督事。賴到京。法庭判以無罪。財政司田駿豐聞之不服。謂其在皋蘭任內侵挪公款。電請中央訊究。賴被看管。久之。



始得白。田與諸少年。又以秦望瀾本省人。曲庇外人。致令脫然。去怨之不已。將其弟議員資格取消。驅逐出會。時人稱田駿豐陰險刻簿。以其排外而兼排內也。初趙維熙以甘事紛糾。患援引老成紳耆以鎮之。特由京聘田駿豐來甘爲高等顧問。優禮備至。欲藉其資望居間調護。田到甘。與馬周合力排趙。率諸少年日尋趙滋鬧。要求任巡警道。未幾。又要求署財政司。趙卒被逐而去。始自悔引虎入室云。

異史氏曰。賴恩培欲用王允誅董卓之計。以救甘民。其用心亦云苦矣。無如周務學有呂布之心。而無呂布之胆。賴恩培有王允之忠。而無王允之才。馬安良有董卓之暴。遂倖逃董

卓之誅。此中蓋有氣數存焉。君子知甘肅之劫運未終也。可勝歎哉。

外縣西軍之騷擾

分駐各縣之西軍。常結夥赴鄉搶竊。營中贓物山積。民知之而不敢問。間有託人出資贖回者。其兵平日與某家有仇。必糾衆殺其人。火其居。奪其財。以快報復。營中官弁。均收受民詞。傳至營。非刑弔拷。民受刑不過。多以重賄求解。見某家殷實。十五成羣。持械闖入。以查賭爲名。玷辱婦女。拷索財物。破家致命者。不可勝數。而河州尤甚。嘗有西軍三人。夜出夥竊。挖洞而入。事主人多。驚覺。持械追殺一人。其營官馬國良等。以門殺報案。勒令

擬抵。知州張心鏡知其枉。力持不可。卒賠命價錢一百串了案。又有西軍糾衆尋仇。受害者逃入駐河之昭武軍店中求救。兩軍械鬥。西軍大敗。管帶馬同。頭顱受創幾死。駐安定管帶馬海淵。馬麒叔父也。尅扣軍餉激變。兵四出搶掠。知縣康敷鎔不敢問也。馬全良駐碾伯縣。縱兵擾害。民不堪命。紛紛赴縣喊訴。知縣劉春堂素愛民。見災黎受傷。血淋漓。骨斷筋拆。痛哭遽列狀稟請都督查辦。馬氏兄弟大怒。率兵攻其署。將劉拘禁。其財物及存倉糧數千石。搶掠一空。網弔毆傷數十人。城鄉被搶之家。不計其數。遠近騷然。安良勒令趙督將劉解職。紳耆多人來省代爲伸訴無効。後不知下落。至今紳民言及劉事。猶痛哭流涕。

城鄉各廟。多設位祀之。丹噶爾。大通縣。循化。巴燕戎格等處。亦皆被搶。官紳私憂竊歎。不敢告也。

議提叛產充餉

叛產者。同治及光緒二十一年回匪倡亂。事平後。逆回或誅或逃。家產籍沒入官。各處皆撥歸書院。立有碑記。後移歸學堂經費。至是庫空餉絀。馬安良等以叛產原百我回族所有。當時回弱漢強。以培養士子爲名。奪充學款。夫學界多一人材。卽我回族多一對頭。議要脅護督張炳華。一律收回充餉。約可驟增百餘萬。又恐漢人不願。密問周務學。周極表贊成。曰。回教之產。仍養回教之軍。以保衛我甘肅。最爲平允。馬曰。脫有學界反對如

何。問曰。義父發議。誰敢抗違者。如有人抗違。務學請先擊之。議定未發。會新都督張廣建來甘。事遂中止。

### 西軍回河州

袁總統知馬安良跋扈不法。西陲糜爛。以張廣建恩威素著。特簡爲陝甘籌邊使以鎮之。民國三年春到甘。旋任爲甘肅都督。馬安良大懼。張奉命將西軍軍隊裁減數成。馬震於中央之聲。靈俯首聽命。惟以欠餉爲詞。抗不繳械。張因械未繳。欠餉亦不發。蓋馬自陝西回甘。其軍士皆散遣歸農。餉一概停發。僅留數百人充當衛隊。每月由藩庫所領之餉。盡入私囊。所以張知之。欠餉不發也。張帶來衛隊五百名。皆直魯豫皖等省人。剛勇好

勝常聲稱中央派我輩來滅回子。安良等本忌惡中央兵。聞此言益恨。暗曠其軍。乘機將衛隊毆殺數名。傷數名。衛隊大譁。列陣往攻西軍。全城罷市。張都督亟召陸洪濤帶兵彈壓諭解。陸勸令安良率西軍一律撤回河州。馬亦自知不能駐省。以出防白狼爲名。回河而去。從此蘭州無回軍蹤跡。秩序漸復。重見漢衣冠矣。方兩軍構衅時。財政司王舍棠亦居間排解。王隆德縣人。本老成長者。因其職出於安良。保薦遇事頗阿護安良。甚至稱之爲好人。人皆比之楊雄蔡邕云。安良既被逐回籍。恥威權失敗。日與其徒潛謀不軌。私招兵萬餘人。藉口籌餉。縱兵搶掠。河州全境大亂。有一家連搶數次者。居民紛紛逃避。鄰邑房屋

皆滿。卽予狄道之舊宅。亦寓難民三家。故盡知其詳也。

### 白狼之亂

民國三年秋。白狼由陝南竄入甘境。攻秦州。守將馬國仁。子福祿及官吏皆棄城而遁。賊大殺掠。紳民死者二百餘人。午後。忽不知所之。連陷甘南各屬。前驅至安定狄道。聲稱直擣蘭州。昭武軍幫統馬忠孝。率隊入秦州。以馬國仁之死。遷怒於州人。謂白狼之寇秦。由於紳士張世英迎入。曾供應賊軍。捆綁懸梁拷打。逼索銀數千兩。縱兵殺掠。聲稱爲國仁報仇。旋轉戰甯遠伏羌等縣。攻屠城堡。人民死者甚衆。適河南軍司令趙倜。亦追賊到

甘。張廣建檄調諸軍。會剿白狼擊走之。賊仍由陝南竄回河南。戰敗中彈死。張世英率甘南紳民赴京。控告馬忠孝殺掠良民。中央查明。電令正法。張廣建宴請馬福祥忠孝等。罷席。出令示之。福祥曰。請將人交我看管。如有疏虞。惟我是問。議定次日鎗斃。忠孝知不免。託言赴河北有事。歸至鉄橋。乘間投河死。屍隨流至東鄉桑園子地方。始撈獲。白狼既平。張都督電請將在事出力之吳炳鑫等叙功有差。



6